

يَسُوعُ يَغْسِلُ رَجُلَيْنِ التَّلَامِيدِ

¹ قَبْلَ عِيدِ الْفَصْحِ، عَرَفَ يَسُوعُ بِاللِّي وَصَلَتْ سَاعَتُو بَاشِ يُجُوزُ مِنْ هَادِ الدُّنْيَا لِلْآبِ، وَهُوَ اللَّي كَانَ يُحِبُّ نَاسُو اللَّي كَانُوا فَالْدُنْيَا، زَادَ حُبَّهُمْ حَتَّى لَثَمَ. ² مَعَ الْعِشَاءِ، كِي كَانَ إِبْلِيسُ وَسَوْسَ لِيَهُودَا بِنَ سَمْعَانَ الْإِسْخَرِيوطِي بَاشِ يُسَلِّمُ يَسُوعَ، ³ وَيَسُوعُ اللَّي كَانَ عَارَفَ بِاللِّي الْآبِ دَارَلُو كُلِّ شَيْ فِي يَدُو، وَبِاللِّي جَا مِنْ عِنْدِ اللَّهِ وَيُرُوحُ لِعِنْدِ اللَّهِ، ⁴ نَاضَ مَالْمِيدَةَ، نَحَّا حَوَايجُو الْفُوقَانِيَّيْنِ وَخَدَا فُوطَةَ ثَحَزَمَ بِيهَا، ⁵ وَفَرَّغَ الْمَا فِي مَاعُونِ وَبَدَا يَغْسِلُ فِي رَجُلَيْنِ التَّلَامِيدِ وَيَمَسَّحَلَّهُمْ بِالْفُوطَةِ اللَّي ثَحَزَمَ بِيهَا. ⁶ كِي جَا لِسَمْعَانَ بُطْرُسَ قَالُو: "رَبِّي، أَنْتَ تَغْسِلِي رَجُلِي؟" ⁷ وَاجَبَ يَسُوعُ وَقَالُو: "مَارَاكشَ عَارَفَ وَاشِ رَانِي نُذِيرُ دُرُكَ، بَصَّحَ مِنْ بَعْدِ رَايِحَ تَقَهَمَ" ⁸ قَالُو بُطْرُسَ: "مُحَالُ تَغْسِلِي رَجُلِي" وَاجِبُو يَسُوعَ: "لَوْكَانَ مَا نَغْسَلُكَشْ، مَا عِنْدَكَشْ نُصِيبُ مَعَايَ" ⁹ قَالُو سَمْعَانَ بُطْرُسَ: "سِيدِي، مَا شِي بَرَكَ رَجُلِي، حَتَّى يَدِّي وَرَاسِي" ¹⁰ قَالُو يَسُوعَ: "اللِّي غَسَلْ، مَا يَسْحَقُ يُزِيدُ يَغْسِلُ غَيْرَ رَجُلِيهِ، خَاطِرُ هُوَ كَامِلُ طَاهِرُ، وَأَنْتُمْ طَاهِرِينَ بَصَّحَ مَا شِي كَامِلُ" ¹¹ خَاطِرُ كَانَ عَارَفَ اللَّي رَايِحَ يُسَلِّمُو، عَلَى هَذَا قَالَ: "مَا شِي كَامِلُ طَاهِرِينَ". ¹² كِي غَسَلَهُمْ رَجُلِيَهُمْ، عَاوَدَ خَدَا حَوَايجُو وَقَعَدَ عَالْمِيدَةَ وَقَالَهُمْ: "رَاكُمُ عَارَفِينِ وَاشِ دَرْتَلُكُمُ؟" ¹³ أَنْتُمْ تَعِيطُولِي شَيْخَ وَسَيِّدَ وَتَعْمَلُو مَلِيحَ خَاطِرُ صَحَّ أَنَا هَكَدَاكُ، ¹⁴ وَلَا أَنَا اللَّي سَيِّدُ وَشَيْخُ غَسَلْتَلُكُمْ رَجُلِيَكُمُ، أَنْتُمْ تَانِي لَازِمَ تَغْسَلُو رَجُلِينَ بَعْضُكُمْ بَعْضَ، ¹⁵ هَذَا مَثَلُ اللَّي عَطِيتَلُكُمْ، بَاشِ كِي مَا أَنَا دَرْتَلُكُمْ أَنْتُمْ تَانِي تُذِيرُو. ¹⁶ نَقُولُكُمْ الصَّحَّ الصَّحَّ، الْعَبْدُ مَا شِي خَيْرُ مِنْ سِيدُو، وَلَا الْمَبْعُوتُ خَيْرُ مَاللِّي بَعْتُو، ¹⁷ وَلَا عَرَفْتُو هَادِ الشَّيْ، يَا سَعَدُكُمْ لَوْ كَانَ تَعْمَلُو بِيهِ. ¹⁸ مَارَانِيشَ نَهْدَرُ عَلَيْكُمْ كَامِلُ، أَنَا نَعْرِفُ اللَّي خَيْرَتَهُمْ، بَصَّحَ بَاشِ يَثَمُ وَاشِ مَكْتُوبُ "اللِّي كَلَا مَلْحِي، دَارَ عَلِيَّ،" ¹⁹ نَقُولُكُمْ مِنْ دُرُكِ، قَبْلَ مَا الشَّيْ يَصْرَا، بَاشِ كِي يَصْرَا تَامَنُو بِاللِّي أَنَا هُوَ، ²⁰ نَقُولُكُمْ الصَّحَّ الصَّحَّ، اللَّي يَقْبَلُ اللَّي نَبَعْتُو يَقْبَلْنِي أَنَا وَاللِّي قَبْلَنِي يَقْبَلُ اللَّي بَعْتَنِي"

وَاحِدَ فَيْكُمُ يُسَلِّمُنِي

²¹ بَعْدَ مَا قَالَ هَكَدَا، تَهَوَّلَ يَسُوعُ فَالرُوحَ وَشَهَدَ وَقَالَ: "نَقُولُكُمْ الصَّحَّ الصَّحَّ، وَاحِدَ

فيكم يسلمني" 22 بدأوا التلاميذ هدا يخزر في هدا وهو ماشي عارفين عليمن كان يهدر.
23 واحد مالتلاميذ، اللي يحبو يسوع، كان عالميدة متكي على صدر يسوع؛ 24 شرو
سمعان بطرس باش يسقسيه عليمن كان يهدر. 25 دار التلميذ على صدر يسوع وسقساه:
"سيدي، شكون هو؟" 26 واجب يسوع: "اللي نغمس اللقمة ونعطيهاو" غمس اللقمة
وعطاها ليهودا بن سمعان الإسخريوطي. 27 غير كلاها دخل فيه الشيطان وقالو يسوع:
"اللي معول تديرو، ديرو بالخف" 28 حتى واحد مالي كانو قاعدين عالميدة ما فهم
وعلاش قالو يسوع هكدا، 29 وكاين اللي حسبو باللي كي كان يهودا شايد صندوق
الذراهم، وصاه يسوع باش يشري واش يسحقو للعيد ولا كاش ما يعطي للفقرا. 30
ويهودا غير كلا اللقمة اللي عطاهاو يسوع، خرّج وكان الليل. 31 كي خرّج قال يسوع:
"درك، تمجد ابن الانسان وتمجد الله فيه، 32 ولا الله تمجد فيه، الله تاني يمجدو فيه،
ويمجدو بالخف

ما زلني شوية معاكم

33 يا الدراري الصغار، ما زلني شوية معاكم اومبعد تحوسو علي وكما قلت لليهود
ما تقدروش ثجيو وين ثروح، وانتوم تاني نقوللكم درك، 34 نعطيكم فرض جديد، حبو
بعضكم بعض، كيما حبيبتكم انتوم تاني حبو بعضكم بعض، 35 بهذا كامل يعرفو باللي
انتوم التلاميذ تعي، ولا عندكم المحبة لبعضكم بعض" 36 قالو سمعان بطرس: "سيدي،
وين راك رايح؟" واجبو يسوع: "وين راني رايح، ما تقدرش تتبني درك، بصح من
بعد تتبني" 37 قالو بطرس: "وعلاش ما تقدرش تتبعك درك؟ نمد حياتي على جالك"
38 واجب يسوع: "نمد حياتك على جالي؟ نقولك الصح الصح، ما يعو عشش السرديوك
حتى تنكرني تلت مرات"